



UPA 2016/129
11. maj 2016
Agathe Fontain

Danmarkimi Kalaallit Peqqissartut Illuani ukiuni arlaqartuni nappaatertik peqqutigalugu najugaqartariaqartunut inissialiornissanik Naalackersuisut misissuinissamik suliaqaqqullugit peqquneqarnissaannik siunnersuut.

(Inatsisartunut ilaasorta q Mimi Karlsen, Inuit Ataqatigiit)

Inatsisartunut ilaasorta q Mimi Karlsen qutsavigaarput, nunatsinniit Danmarkimut sivisuumik napparsimanertik pissutigalugu peqqissariartortut, atugaasa pitsanngorsaaffiginissaannut siunnersuuteqarmat.

Inuit Ataqatigiit inuit napparsimasunut atugassatigut pitsaasumik atugassaqtinnissaat pingaartitaraarput, tamanna soorlu takuneqarsinnaavoq 2009-2013 akornanni , Danmarkimi, Nuummilu, napparsimasut misissortittussallu inissaannik sanasimanitsinnik, naak aningaasakilliornerup nalaaniikkaluartoq.

Siunnersuummi pineqarput ukiut arlerlugit allatut ajornarluinnartumik Danmarkimiittariaqartut, assersuutigalugu tartuluttut. Tamatta ilisimavarput angerlarsimaffik inummut kimulluuniit qanoq pingaaruteqartigisoq, inuunerinnissamut tunngaviliilluinnartuusoq.

Takorloortigumi, inuk ineeqqami, siniffik nerriveerarlukisiisa pisataralugit, ukiuni 4-6 tillugit angerlarsimavilik, amerlanerit takorlooruminnaatsissavaat.

Takorlooruminarneruvormi, inissiaq allatuulli pisatsersugaq, allatuulli angerlarsimaffik. Tassalu siunnersuuteqartup Inatsisartunut ilaasortap Mimi Karlsen-p anguniagaa.

Inuit Ataqatigiinniit siunnersuut isumaqatigilluinnarparput. Misissuisoqassasoq siunnersuut piviusunngorsinnaaqullugu. Inissiamik attartortoqarsinnaanersoq, inissiamik pisisoqarsinnaanersoq allatulluunniit pissarsisoqarsinnaanersoq.

Takorlooruminarpoq Aningaasaateqarfiit arlaat aningaasaleerusussinnaanersoq inissiamik pisinermut. Naatsorsorneqarsinnaavoq Kalaallit Peqqissartut illuat ulikkaartillugu saniatigut ininik attartortariaqartillugu, siunnersuutip akuerineqarneratigut, aningaasanik piffissaq sivisunerusoq eqqarsaatigalugu imminut akiliissannginnerusoq. Allaniq suleqateqarsinnaavugut, Savalimmiormiut suleqatigisinnaavagut? Rigshospitali suleqatigisinnaavaput, taakkumi aamma napparsimasunut uninngaviuteqartarput.

Misissuinissaq sumulluunniit sammisinnaavoq, periarfissat ugartorneqassammata, killilersorneqaratik.

Inuit Ataqatigiit siunnersuut tamakkiisumik akueraarput, taamatullu isikkoqarluni akuersaartumik aappassaaneernissaa innersuussutigaarput.